

समे – 12:25

<><><><><><>

Cabinet

मुख्यमंत्री उमर अब्दुल्ला हुंदी अध्यक्षता च लग्गी दी कैबिनेट दी बैठक च कल केई प्रशासनिक प्रस्तावें गी मंजूरी दित्ती गई। आकाशवाणी दे जम्मू संवाददाता नै जानकारी दित्ती ऐ जे मंत्रिमंडल नै सरकारी मलाजमें, पेंशनरे ते परिवार पेंशन दे लाभार्थिऐं गी पैहली जुलाई 2024 थमां देना बनदे डी.ए दी नमीं दर दे प्रस्ताव गी मंजूरी देई दित्ती ऐ। मंत्रिमंडल नै सरकारी डेंटल कालेज श्रीनगर ते इंदिरा गांधी सरकारी डेंटल कालेज जम्मू च डेंटल काउंसल ऑफ इंडिया दे नियमें दे तैहत त्रकं स्तरें पर शिक्षण अमले दी बवस्था रखने गी बी मंजूरी देई दित्ती। एहदे इलावा भवन ते शैहरी विकास मैहकमे आस्सेआ आंदे गेदे प्रस्तावें गी बी मंजूरी देई दित्ती गई। मंत्रिमंडल नै जम्मू कश्मीर सेवा ताल बोर्ड एसएसबी आस्सेआ सफारश कीते गेदे पे-लैवल-6 च पौंदी असामिएं दे जवानी टैस्ट ते इंटरव्यू लैने सरबंधी प्रस्ताव गी बी अपनी मंजूरी देई दित्ती। कैबिनेट दी बैठक च 2017 आले जम्मू कश्मीर दे माल समेयान ते सेवाएं यानि जीएसटी सरबंधी कनून च तरमीमें गी बी मंजूरी देई दित्ती गई। कैबिनेट नै उपराज्यपाल होरें गी जम्मू कश्मीर विधानसभा दा इजलास मार्च म्हीने दे पैहले हफ्ते सद्दने दी बी सफारश कीती ऐ।

<><><><><><>

RD Parade-J&K

जम्मू कश्मीर च गणतंत्र दिवस समारोह गी सुचारु ढंगै कन्नै चलाना जकीनी बनाने लेई सुरक्षा दे पुख्ता बंदोबस्त कीते गे न। अंतर्राष्ट्रीय सीमा ते एलओसी कश पुलस ते नीम फौजी बलें गी तैनात कीता जा'रदा ऐ ते वरिष्ठ पुलस अफसर आपूं संवेदनशील इलाकें च सुरक्षा दी समीक्षा करा'रदे न। स्थिति पर नेड़मी तक्क रखने लेई ड्रोन, सीसीटीवी कैमरे ते निगरानी दे भलेया अज्जै कल्लै दे ढंगै दे उपकरणें दा इस्तेमाल कीता जा'रदा ऐ।

<><><><><><>

RD-Illumination

जम्मू कश्मीर च प्रशासन नै पूरे केन्द्र शासित प्रदेश दे सब्बने सरकारी दफ्तरें दी इमारतें गी रोगन करने ते राष्ट्रीय झंडा चाढ़ने दे निर्देश दित्ते न। जिला प्रशासन गी हिदायत दित्ती गई ऐ जे ओह प्रमुख सरकारी इमारत गी लाइटें कन्नै रोशन करन ते खास तौर पर राष्ट्रीय एकता दा प्रतीक तिरंगे आले रंगें पर चेचा ध्यान देन। एहदे अलावा सरकारी मुलाजमें गी अपने अपने जिले च गणतंत्र दिवस दे अधिकारिक समारोहें च हिस्सा लैने लेई बी निर्देश दित्ता गेआ ऐ।

<><><><><><>

J&K Election Commissioner

जम्मू कश्मीर चुनाव आयोग नै संगारै फाइनल मतदाता सूचिएं दे प्रकाशन दे कन्नै गै पंचैती चुनाव सूचिएं दी परतियै नजरसानी दी सलाना प्रक्रिया मुकम्मल करी लैती ऐ। आकाशवाणी दे जम्मू संवाददाता नै जानकारी दित्ती ऐ जे पंचैत मतदाता सूचिएं दी नमें सिरिया नजरसानी दी प्रक्रिया 11 नवम्बर 2024 गी शुरू कीती गई ही। जदू इंदा मसोदा प्रकाशत कीता गेआ, मगरा एहदे च केई नां जुड़े, केई नां कटाए गे ते होर बी केई बदलाव कीते गे। मतदाता सूचिएं च 3 लख 41 जहार 72 नमें मतदाताएं दे नां जोड़े गे न ते 1 लख 10 जहार 768 नां हटाए गे न, जिंदे चा किश दी मौत होई गई, केइएं अपना नां दूई थाहर मुंतकिल कराया ते किश नां होर कारणें दे चलदे कट्टे गे न। 10 जहार 726 मतदाताएं दे नां ते जानकारी व सुधार कीता गेआ ते 31 जहार 180 मतदाताएं गी दुए पंचैत हल्के जां वार्डें च मुंतकिल कीता गेआ। फाइनल सूचिएं च 70 लख 670 मतदाता न, जिंदे च 35 लख 66 जहार 475 मर्द, 34 लख 34 जहार 48 महिला ते 147 थर्ड जेंडर मतदाता न। एह सूचियां जिला पंचैत चुनाव अफसरें, चुनाव रिटर्निंग अफसरें ते पंचैत ते ग्लाक चुनाव अफारें कश उपलब्ध न।

<><><><><><>

Mahakumbh Special Services

जम्मू कश्मीर रोड ट्रांसपोर्ट कारपोरेशन नै महाकुंभ मेला 2025 लेई जम्मू ते प्रयागराज बश्कार इक विशेष बस सेवा शुरू कीती ऐ। ट्रांसपोर्ट मंत्री सतीश शर्मा होरें इस विशेष बस सेवा गी हरी झंडी दस्सियै जम्मू बस स्टैंड थमां रवाना कीता। एह विशेष बस रोजाना जम्मू थमां रवाना होआ करोग। यात्री अपनी टिकटें दी बुकिंग ऑनलाइन पेमेंट दे राएं करी सकदे न। तोआई उत्तरी रेलवे नै बी महाकुंभ जाने आले यात्रुएं दी सुविधा लेई श्री माता वैष्णो देवी

कटरा ते प्रयागराज बश्कार 3 विशेष ट्रेनां चलाने दी घोशणा कीती ऐ। पैहली ट्रेन 24 जनवरी गी माता वैष्णो देवी कटरा स्टेशन थमां बडलै 3 बज्जियै 50 मिंट उप्पर चलोग। 25 जनवरी गी वापस परतोग। दूई ट्रेन 7 फरवरी ते त्रीह ट्रेन 14 फरवरी गी कटरा थमां बडलै 3 बज्जियै 50 मिंटे उप्पर ते प्रयागराज थमां साढ़े 7 बजे 8 ते 15 फरवरी गी प्रतोंगन।

<><><><><><>

Div.Com Jammu

जम्मू दे डिवीजनल कमीशनर रमेश कुमार जेहड़ें जे जम्मू महानगर क्षेत्र विकास प्राधिकरण दे अतिरिक्त मुख्य कार्जकारी अधिकारी बी ऐन होरें जम्मू सांबा ते कठुआ जिलें च कम्में ते परियोजनाएं दी प्रगति दा जायजा लैता। बैठक च सांबा ते कठुआ दे डिप्टी कमीशनरें, जेडीए दे वाइस चेयरमैन ते पीडब्ल्यूडी दे चीफ इंजीनियर, एस.ई ते एक्सइएने बी शिरकत कीती। डिवीजनल कमीशनर होरें विजयपुर, हीरानगर ते ट्रांसपोर्ट नगर जम्मू च जारी परियोजनाएं दी स्थिति बारे तफसील हासल कीती। बैठका च जानकारी दित्ती गई जे परियोजनाएं दे बाकी रोंहदे कम्में गी 15 मार्च 2025 तगर मुकम्मल करी लैता जाग। उनें सरबंधी अधिकारिणं गी पिदेष्ट दित्ता जे कम्में दे मयार कन्नै बिजन कोई समझौता कीते दे, इनेंगी मिथ्हे गेदे समें दे अंदर-अंदर मुकम्मल करना जकीनी बनाया जा।

<><><><><><>

JMC

जम्मू नगर निगम दे कमीशनर डॉ. देवांश यादव होरें कल गांधी नगर ते जीवन इलाके च रेहड़ी फेरी आलें गी पी.एम.स्वनिधि दियां डोगरी च लिखी दियां तकख्तायां सौंपियां। इस मौके किट्टै गी संबोधत करदे होई कमीशनर होरें आखेआ पी.एम.स्वनिधि, योजना, भवन ते शैहरी मामले सरबंधी केन्द्री मंत्रालय आस्सेआ आत्मनिर्भर भारत अभियान तैहत शुरू कीती गेदी इक पैहल ऐ जेहड़ें रेहड़ी फेरी आलें गी लौहके लौहके दोहार दी सुविधा उपलब्ध करांदी ऐ। उनें इनें लोकें गी आखेआ जे ओह इस स्कीम दा फायदा लैने लेई अगगे औन, अपना कम्म बधान ते अपने जीवन स्तरै गी उबड़ा चुकन।

<><><><><><>